


毘婆沙論

才二十一

磨一

三百六十六

50381



阿毗曇毗婆沙論卷第二十一

磨

尊者迦旃延子造

北涼沙門浮陀跋摩共道泰譯

雜捷度人品之五

何等心得解脫有欲心耶無欲心耶乃至廣說
問曰何故作此論答曰此是佛經佛經中說
欲心得解脫恚癡心得解脫不作是說為有

欲心得解脫無欲心得解脫乃至廣說彼經
是此論根本今當廣解此經復次或有說心
性本淨為客煩惱所覆如毗婆闍婆提說心
性本淨彼客煩惱生覆心故不淨問曰若當
心性本淨客煩惱覆故不淨可念者何不
本性淨心令客煩惱亦淨耶汝若不說以心

淨故令客煩惱淨者爲有何因緣復次爲心
先生後客煩惱生爲俱生耶若心先生後客
煩惱生者則心任待客煩惱客煩惱生然後
覆心若作是說是則一心任二刹那若當俱
者爲以何時言心性本淨復無未來世以任
本性淨心是故爲止他義自顯己義亦欲說
法相相應義故而作此論

何等心解脫有欲恚癡心解脫耶無欲恚癡
心解脫耶荅曰無欲恚癡心解脫問曰無欲
恚癡心即是解脫復何所解脫耶荅曰若以
煩惱而言則心名解脫若以世以身而言則
不名解脫若諸煩惱不斷彼心不行於世不

於世得解脫不行於身不於身得解脫若諸
煩惱斷彼心行於世於世得解脫行於身於
身得解脫復次或有說者欲相應心得解脫
恚癡相應心得解脫如毗婆闍婆提作如是
說染污心即是無染污心若煩惱未斷是染
污煩惱已斷是不染污猶如銅器有垢未去
垢時名曰有垢已去垢故名曰無垢彼亦如
是彼如是說者應當違逆呵責所以者何非
彼心與欲恚癡相應雜合若欲恚癡不斷此
心不名解脫欲恚癡若欲恚癡斷此心名解
脫欲恚癡欲證此義故引佛經世尊經說日
月有五暘爲五暘所覆故日月不明淨云何

爲五謂雲乃至廣說雲者如夏時少雲能徧
虛空煙者如焚燒草木煙徧虛空塵者如天
不雨時風動地塵徧於虛空霧者如大河邊
出霧徧於虛空復有說者東方國土若晝若
夜雨後日出時霧從地起徧於虛空羅睺羅
阿修羅王障者日月是諸天前軍天與阿修
羅常共鬪戰以日月威力故諸天常勝羅睺
羅阿修羅王而先欲摧滅以是一切衆生業
力故而不能滅以手障之如此諸瞠與日月
相遠而不相近未除彼瞠日月於此諸瞠而
不明淨若除諸瞠日月於此諸瞠而得明淨
如是彼心不與欲恚癡相應雜合若是欲恚

癡不斷彼心不名解脫欲恚癡若欲恚癡斷
彼心名解脫欲恚癡世尊經說比丘當知得
第一大身者謂羅睺羅阿修羅王是也乃至
廣說無有衆生能自化身端正第一如羅睺
羅阿修羅王者此說變化非謂實身

何等心解脫過去耶未來耶現在耶答曰未
來遠心生時無學諸障礙得解脫障者非想
非非想處下下煩惱是也若說未來則止過
去現在若說無學則止學心問曰如學心亦
得解脫何以但言無學耶答曰或有說者以
尊勝故若求勝法無學法勝於學法若求勝
人則無學人勝於學人尊者瞿沙說曰若多

勝無過言是解脫若得無學心則解脫多亦
勝無過復次若心得二種解脫者名爲解脫
謂自體解脫身得解脫以是事故而作四句
或有心自體得解脫非身或有身得解脫非
自體乃至廣作四句自體得解脫非身者謂
學心是也身得解脫非自體者阿羅漢善有
漏不隱沒無記心是也自體解脫身亦解脫
者謂無學心是也非自體解脫非身解脫者
謂學有漏心一切凡夫心是也復次無障礙
故名解脫學人則爲邪解脫所障無學不介
如是學正解脫與邪解脫相對無學不介復
次若心於一切結得解脫名爲解脫學心有

分解脫有分不解脫無學不尔復有說者若
心於五種煩惱事中得解脫五種緣中得解
脫名爲解脫五種煩惱障礙五種緣障礙說
亦如是復有說者若不爲如摩樓多愛草所
繫者是名解脫復次若能揃有頂所依周羅
者是名解脫復次若斷三界諸煩惱髮是名
解脫復次若滅少解脫能令滿足是名解脫
如學人乃至金剛喻定名不滿足得無學心
名爲滿足復次若得猗樂不爲煩惱所障是
名解脫學人雖得猗樂復爲煩惱所障無學
人得猗樂不爲煩惱所障復次若廣受猗樂
名爲解脫學人以有所作故受猗樂不廣若

得無學心所作已辦則廣受猗樂猶如國王
怨敵未盡受樂不廣若怨敵盡者則廣受樂
若所作已辦除去重擔更無欲求亦復如是
復次衆生常共煩惱獨語若得遠離牟尼意
滿足是名解脫復次若離染污諸陰重擔者
是名解脫復次若離煩惱熱諸入得清涼入
是名解脫復次若離煩惱所依諸入得無煩
惱所依諸入是名解脫復次若遠離煩惱衆
生聚自立無煩惱衆生聚中是名解脫復次
若得爲世作福田者是名解脫如偈言
欲心壞衆生 如草敗良田 若施無欲者
必得於大果

復次若害其命得無間罪者名解脫復次
若斷諸著決煩惱堤塘除一切障礙斷於四
食離四識任破壞四魔過九衆生居者名
解脫復次若行不雜功德學人離行善法過
惡行善惡行善根不善根牙現在前若唯行
善行等不行不善行等者名解脫問曰如
五陰悉得解脫何以獨說心得解脫耶答曰
或有說者以心勝故此中應說如第一品中
答問曰唯有一刹那心得解脫耶答曰不也
若說一刹那生心當知盡說未來一切心所
以者何未來無學心得行於世故問曰得盡
智時未來世所有修三界善根爲得解脫不耶

答曰得所以者何亦除其障故問曰若退阿
羅漢果還得阿羅漢果先所得過去無漏道
彼爲得解脫不耶答曰不得以不除障故如
無礙道滅乃至廣說無礙道者是金剛喻定
問曰何故名金剛喻耶答曰猶如金剛無所
不斷無所不壞無所不穿若鐵若瓦若石若
摩尼珠若頗梨若山如是等物無不摧破彼
定亦介於一切煩惱無不摧破無有是處以
分別故說若設當具縛凡夫能起此定則能
斷一切煩惱何以故是一切煩惱對治法故
何以知耶答曰得阿羅漢時證一切三界見
道修道所斷煩惱解脫得以是事故知此定

是一切煩惱對治法問曰如金剛喻定體性
若是五陰若是四陰何以但名定耶荅曰以
定勢偏多故名爲定如見道體是五陰以見勢
偏多故名爲見道如見道邊等智體性是五陰
四陰以智勢偏多故說名爲智如四道通體
性是五陰四陰以通勢多故說名爲通金剛
喻定體性是五陰四陰以定勢多故說名爲
定問曰若然者則因論生論彼處何故定勢
多耶荅曰或有說者以非想非非想處難斷
難破難過須堅固定以安其足發大精進如
人欲害象時先安其足發其武勇然後可害
如是非想非非想處難斷難破難過當先安

其足發大精進已然後能斷如象非想非非
想處下下煩惱復有說者非想非非想處微
細難知難可解了當須大持意法如人欲射
一毛當須大持意法彼亦如是此金剛喻定
若在未至禪則有五十二金剛喻定其事云
何金剛喻定與六智俱謂四比智二法智二
法智者謂滅智道智依未至禪以苦比智當
得阿羅漢果彼觀非想非非想處苦等四行
若一行現在前當得阿羅漢果若以集比智
觀非想非非想處集等四行若一行現在前
當得阿羅漢果若以滅法智觀欲界諸行滅
等四行若一行現在前當得阿羅漢果若以

道法智觀欲界斷諸行道等四行若一行現在前當得阿羅漢果若以滅比智彼或有觀初禪諸行滅等四行若一行現在前當得阿羅漢果如是乃至觀非非想處諸滅亦如是如是八四有三十二若以道比智觀九地中比智分道等四行若一行現在前當得阿羅漢果滅比智三十二道比智四前有十六是名依未至禪有五十二金剛喻定如是依初禪禪中間第二禪第三禪第四禪亦有五十二金剛喻定空處有二十八若依空處以苦比智觀非非想處苦等四行若一行現在前當得阿羅漢果若以集比智說亦

如上若以滅比智觀空處諸行滅等四行如
前說或觀識處或觀無所有處或觀非想非
非想處滅等四行廣說如上若以道比智觀
九地中比智分道等四行廣說如上滅比智
有十六道比智有四前有八是名依空處二
十八金剛喻定識處有二十四無所有處有
二十如是隨所應說此是一家義復有說者
未至禪中有八十其事云何金剛喻定與六
智俱如上說若依未至禪以苦比智當得阿
羅漢果觀非想非非想處苦如先說若以集
比智觀非想非非想處集如先說若以滅法
智觀欲界諸行滅如先說以道法智觀欲界

斷諸行道如先說若以滅比智觀初禪諸行
滅如先說或有觀乃至非想非非想處諸行
滅亦如上說此八四有三十二道比智亦有
三十二合六十四前有十六是名依未至地
有八十金剛喻定如是初禪禪中間第二禪
第三禪第四禪亦有八十空處有四十若依
空處以苦比智當得阿羅漢果廣說如上以
集比智說亦如上若以滅比智觀空處諸行
滅乃至非想非非想處諸行滅有十六道比
智亦有十六前有八是名空處有四十金剛
喻定識處有三十二無所有處有二十四應
隨相廣說評曰應作如是說者好依未至禪

應有百六十四金剛喻定其事云何若依未
至禪以苦比智觀非想非非想處苦廣說如
上若以集比智觀非想非非想處集說亦如
上若以滅法智觀欲界諸行滅說亦如上若
以道法智觀欲界斷諸行道說亦如上若滅
比智觀初禪諸行滅或有乃至觀非想非非
想處諸行滅如是八四有三十二如前說或
有觀初禪亦觀第二禪或觀第二禪亦觀第
三禪或觀第三禪亦觀第四禪或觀第四禪
亦觀空處或觀空處亦觀識處或觀識處亦
觀無所有處或觀無所有處亦觀非想非非
想處或有觀初禪第二禪第三禪或有觀第

二禪第三禪第四禪或有觀第三禪第四禪
空處或有觀第四禪空處識處或有觀空處
識處無所有處或有觀識處無所有處非想
非非想處或有觀初禪第二禪第三禪第四
禪或有觀第二禪第三禪第四禪空處或有
觀第三禪第四禪空處識處或有觀第四禪
空處識處無所有處或有觀空處識處無所
有處非想非非想處或有觀初禪乃至空處
或有觀第二禪乃至識處或有觀第三禪乃
至無所有處或有觀第四禪乃至非想非非
想處或有觀初禪乃至識處或有觀第二禪
乃至無所有處或有觀第三禪乃至非想非

非想處或有觀初禪乃至無所有處或有觀
第二禪乃至非想非非想處或有觀初禪乃
至非想非非想處若以道比智觀九地中比
智分道等四行若一行現在前當得阿羅漢
果此有四前苦比智有四集比智有四滅法
智有四道法智有四滅比智有百四十四如
是依未至禪有百六十四金剛喻定初禪禪
中間乃至第四禪亦有百六十四空處有五
十二若依空處若以苦比智當得阿羅漢果
觀非想非非想處苦等四行廣說如上若以
集比智觀非想非非想處集廣說如上若以
滅比智或觀空處諸行滅乃至或觀非想非

非想處諸行滅廣說如上或有觀空處識處
或有觀識處無所有處或有觀無所有處非
想非非想處或有觀空處乃至無所有處或
有觀識處乃至非想非非想處或有觀空處
乃至非想非非想處若以道比智觀九地比
智分道等四行廣說如上此有四前苦比智
有四集比智有四滅比智有四十是名依空
處五十二金剛喻定識處有三十六若依識
處以苦比智觀非非想處苦四行廣說
如上若以集比智觀非非想處集四行
廣說如上若以滅比智觀識處諸行滅乃至
或觀非想非非想處諸行滅廣說如上若以

滅比智觀識處無所有處或觀無所有處非
想非非想處或有觀識處乃至非想非非想
處若以道比智觀九地道智分道等四行廣
說如上此有四前苦比智四集比智四滅比
智二十四如是依識處有三十六金剛喻定
無所有處有二十四依無所有處若以苦比
智觀非想非非想處苦四行廣說如上若以
集比智觀非想非非想處集四行廣說如上
若以滅比智觀無所有處諸行滅或觀非想
非非想處諸行滅廣說如上或觀無所有處
非想非非想處諸行滅廣說如上若以道比
智觀九地比智分道等四行廣說如上此有

四前苦比智四集比智四滅比智有十二如是依無所有處有二十四金剛喻定無色界中不應說法智生色界中不應說法智不應說生上地依下地離欲除非非想處亦不應說生上地觀下地滅餘生色界亦如生欲界說生無色界如生欲色界說尊者瞿沙說金剛喻定有十三云何十三謂諸斷非想非非想處煩惱無礙道見道所攝有四修道所攝有九

已解脫心得解脫耶未解脫心得解脫耶答曰已解脫心言得解脫如是汝語已解脫心言得解脫不應說已解脫心言得解脫所以

者何若已解脫不得言當解脫若當解脫不
得言已解脫問曰已解脫心何以言得解脫
耶荅曰以是事故先作是說若以煩惱而言
名已解脫若以行世在身而言名得解脫我
亦說已解脫言得解脫亦說已作事言作如
是說者復有何過佛亦說已解脫言得解脫
已作事言作欲證此義故引佛經於汝意云
何佛經爲是善說不耶如說偈
若斷欲無餘 如蓮華在水 比丘捨此彼
如蛇脫皮去
問曰佛說此偈爲已捨言捨耶未捨言捨耶
荅曰佛說已捨言捨此中說斷欲無餘言已

捨言捨如此偈中已捨言捨已作言作我亦如是已解脫言得解脫而無有過為證此義故復引佛經如說偈

慢盡自定意

善心一切脫

一靖居無亂

能度死彼岸

問曰此偈中為說已度度未度度耶答曰此中說已度度若善心一切得解脫時名已度而言是度如此經說已度言度已作言作我亦如是已解脫言得解脫

又世尊言習厭無欲習無欲解脫習解脫涅槃問曰何以作此論答曰此是佛經佛經說習厭無欲乃至廣說不分別云何厭云何無

欲乃至廣說佛經是此論根本彼中不說者
今當說之以是事故而作此論

習有二種一者能生二者能到能生者如習
獸能生無欲習無欲能生解脫能到者如習
解脫能到涅槃復有說者習有二種一者隨
順二者隨應隨順者如習獸得無欲習無欲
得解脫隨應者習解脫應得涅槃問曰若是
習性亦是緣性耶答曰諸是緣性則是習性
問曰頗是習性非緣性耶答曰有謂習解脫
得涅槃者是也此習於涅槃無四緣
義而能到涅槃也云何為獸答曰
無學惡賤五取陰諸行如經本廣說問曰如
此獸亦是學亦是無學亦是非學非無學何

以唯說無學耶。答曰。或有說者。以名義俱勝。故若求法勝。則無學。法勝。若求人勝。則無學。人勝。尊者瞿沙說曰。以多勝。無過。故唯說無學。馱不說學人。凡夫人也。復有說者。世尊說勝法根本。故無學。是勝法根本。故無學。是勝法根本。非學人。凡夫人也。復有說者。若說終者。亦明其始。復有說者。若無二法相對。應如上。無學。廣說。問曰。馱體性。是何。答曰。或有說者。體是慧性。問曰。若然者。馱體性。是苦忍苦智。彼說善通。此文云。何通。如說。去。何習。馱得離。欲。答曰。與馱相應。無欲。恚癡善根。問曰。若然者。慧還與慧相應耶。答曰。此文應如是說。

彼獸相應無欲善根不應說無恚無癡應作
是說而不說者當知此文是誦者長說復有
說者此獸是心數法與心相應問曰若然者
此文善通見捷度所說體是苦忍苦智復云
何通荅曰彼中說獸以親近苦忍苦智故於
何處得獸荅曰苦忍苦智邊評曰不應作是
說如前說者好獸體性是慧云何世俗獸荅
曰與不淨相應者是也即是阿那般那體是
緣苦集暖頂忍是世第一法是緣苦集見道
邊等智與悲相應第一第二解脫相應與初
四勝處相應是身如病如癰如瘡無常苦空
無我因集有緣等行鹿說則有如是等相若

廣說者量過四海問曰若厭體是可厭耶若
體是可厭是厭耶乃至廣作四句初句者無
漏厭是也第二句者除世俗厭諸餘有漏體
是也第三句者世俗厭是也第四句者除無
漏厭諸餘無漏體是也問曰如一切法無我
觀為是厭觀耶為是欣踊觀耶答曰此義前
無我行中已說

云何習厭得離欲答曰與厭相應無欲無有
欲善根此文應如是說不應說無恚無有恚
問曰無欲體性是何答曰體性は無貪

云何習無欲得解脫答曰彼無欲相應解脫
乃至廣說一切諸法中有二法體是解脫一

者有爲二者無爲有爲者心數法中解脫是也無爲者數滅是也此中惟說有爲解脫不說無爲解脫有爲解脫有二種一者染污二者不染汚染污者是邪解脫不染汚者是正解脫正解脫復有二種一者有漏二者無漏有漏者與不淨觀相應慈悲喜捨相應無漏者與學無學相應學者有四向住三果無學者唯住一果無學復有二種一時心解脫二非時慧解脫時心解脫者謂五種阿羅漢是也非時慧解脫者不動阿羅漢是也此即是斷欲心得解脫此即是斷無明慧得解脫問曰若斷欲即是心得解脫斷無明即是慧得

解脫者攝法論所說云何通耶如說云何斷
欲心得解脫答曰無貪善根云何斷無明慧
得解脫答曰無癡善根問曰如無貪無癡善
根非解脫性何故說是解脫耶答曰此文應
如是說云何斷欲心得解脫答曰無貪善根
相應解脫是也云何斷無明慧得解脫答曰
無癡善根相應解脫是也此文應如是說而
不說者有何意耶答曰各有所爲故或有爲
斷欲故勤方便或有爲斷無明故勤方便或
有爲斷欲勤方便者名心解脫或有爲斷無
明勤方便者名慧解脫然其解脫更無別體
復有說者無貪與貪相對無癡與癡相對是

故以無貪無癡名說

云何習解脫得涅槃荅曰若斷一切愛盡乃至廣說問曰如斷一身見盡亦名涅槃何以言斷一切愛盡耶荅曰或有說者此中說滿足涅槃何者是耶謂斷一切愛盡乃至廣說復有說者此中諸所說道盡說無學身中道如說無學身中道說無學身中道果亦如是學人所斷有餘非是無餘問曰云何名涅槃義荅曰或有說者諸陰永斷更不生是涅槃義復有說者滅一切煩惱義是涅槃義復有說者滅三種火故是涅槃義復有說者不織義是涅槃義如因經緯織杖匹等織氈便成

若不因經等織氎不成如是因業煩惱經緯
故織受生氎便成若不因業等識受生氎不
成以是事故不織義是涅槃義

問曰厭無欲解脫涅槃有何差別答曰惡賤
是厭不求是無欲心無垢是解脫捨擔是涅
槃復有說者惡賤煩惱是厭斷煩惱是無欲
不與煩惱俱是解脫諸陰盡是涅槃如尊者
瞿沙解此經如實知見是說見地厭是薄地
無欲者是無欲地解脫者是無學地涅槃者
是諸陰不生

世尊說三界斷界無欲界滅界乃至廣說問
曰何故作此論答曰此是佛經佛經說尊者

阿難往詣名長老上座所到已乃至廣說問
曰以何等故尊者阿難往詣彼所荅曰或有
說者彼尊者阿難是持佛法船施者常監臨
四衆數數往詣諸比丘所慮諸比丘謬受境
界窳墮空過以是事故往詣彼所復有說者
尊者阿難作是思惟若彼長老比丘有得勝
進功德者我當讚善隨喜若不得者我當示
其方便尔時阿難往詣彼所生彼相似信信
有二種有相似有不相似相似信者彼若是
阿練若問阿練若法是阿毗曇人問阿毗曇
法是持脩多羅人問脩多羅法是持律人問
於律法不相似信者問與上相違尔時阿難

問彼長老上座阿練若法汝數數觀何境界
耶彼荅言我觀舍摩他毗婆舍那阿難復問
若脩行廣布舍摩他法有何利耶彼荅曰若
脩行廣布舍摩他法是名脩心若脩心者得
心解脫問曰如阿毗曇義一心中有定有慧
云何分別是脩定方便人脩慧方便人耶荅
曰以依具故知或有多依定具或有多依慧
具多依定具者性樂獨任常好閑靜樂居空
舍不喜言說多依慧具者常好受持讀誦脩
多羅阿毗曇毗尼亦以教人觀察揔相別相
如是等事是名差別復有說者或有繫心一
緣而不分別法相或有不繫心一緣而分別

法相繫心一緣不分別法相者是名脩定若不繫心一緣分別法相者是名脩慧阿難問言若以定方便脩心者得心解脫若以慧方便脩心者得慧解脫若以定以慧方便脩心者得何等解脫耶荅言得界解脫復問何等界解脫荅言三界謂斷界無欲界滅界問曰如斷是無緣法不能有所緣何故說言得斷界解脫耶荅曰此中觀涅槃解脫以界名說所以者何雖勤行精進而不能生觀涅槃解脫者終不能得心解脫也以是事故觀涅槃解脫說名爲界尔時尊者阿難從長老上座比丘所聞如是說已便詣迦梨勒壇上以如

是義盡問五百比丘諸比丘皆以如是義答
問曰是諸比丘云何而答答曰或有說者如
今法會處先下坐說彼亦如是復有說者一
人答餘者印可尊者波奢說曰今時作白羯
磨行籌受籌者名答今時尊者阿難問諸比
丘已往詣佛所以如是等義問佛佛亦以如
是義答問曰尊者阿難以不可上座比丘及
五百比丘所說而往問佛耶答曰可適問曰
若可適者何以復問佛耶答曰欲顯善說法
中同見同欲同意具足問答故外道法中意
欲不同破壞法塔善說法中意欲同故不壞
法塔以此法妙故師與弟子始終所說不相

違背復有說者欲令多人遠罪過故其事云
何曾聞彼長老上座比丘經六十年在母胎
中却後生已身形老瘦無有威德今時多人
生輕憊心作如是言此諸年少氣力強盛初
夜後夜勤行精進於勝進法猶故難得何況
老瘦身者能得此法然此五百比丘以飲食
故爲提婆達多所壞後還歸佛是時多人生
不信心是諸比丘貪利供養豈當能得勝進
之法乃令多人作諸罪過是時阿難欲令多
人去罪過故而往問佛彼經雖說斷界無欲
界滅界而不廣說此論因彼經故作種種雜
說優波提舍彼經是此論所爲根本謂彼中

所不說者今此悉說故作此論

阿毗曇毗婆沙論卷第二十一

磨

瞠一計揃音猗上樂又於離反怨上音敵徒的反冤下

堤塘上二音音佞啼音靖字靜音經下緯謂匹足疊音牒音船音拖音

可下徒反謬苗幼窳下墮上逾字上聲練下若者反汝輕音

下真
結反

